



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აგრბა აზიზ რაშიდის ძე

აგრბა აზიზ რაშიდის ძე [2 (15). VI. 1912, სოფ. ყულანურხვა, ახლანდ. გუდაუთის მუნიციპალიტეტი, – 6. VI. 1991], აფხაზი მსახიობი და რეჟისორი. საქართველოს სახ. არტისტი (1954), აფხაზეთის სახ. არტისტი (1971).

1931-იდან აფხ. თეატრის (სოხუმი) მსახიობია. 1934 დაამთავრა სოხუმის დრამ. სტუდია. 1935–36 სწავლობდა მოსკ. ა. ლუნაჩარსკის სახ. თეატრ. ხელოვნ. ინ-ტის სარეჟისორო ფაკ-ტზე, 1936–38 რუსთაველის სახ. თეატრთან არსებულ დრამ. სტუდიის აფხ. სექციაში. 1939–63 სოხუმის აფხ. თეატრის მთავარი რეჟისორი და სამხატვრო ხელმძღვანელი იყო. ა-ს სცენური შემოქმედება გამოირჩევა უშუალოდობით, ხალხურობით, სისადავით, მაღალი ოსტატობით. შექმნა პეროიკული და კომ. სცენური სახეები: სეიდიყი (მ. ლაკერბაის „დანაყაი“), კელეში (გ. გულიას „შავი სტუმრები“), ანანია (ა. სუმბათაშვილის „ლალატი“), ბათაყვა (გ. გაბუნიას „მზის ამოსვლის წინ“), ესოპე (გ. ფიგეირედუს „ესოპე“), რაშიდი (ს. ჭანბას „მოჰაჯირები“), იაგო (უ. შექსპირის „ოთელი“), ყვარყვარე (პ. კაკაბაძის „ყვარყვარე თუთაბერი“) და სხვ. ა-ს მიერ დადგმული სპექტაკლები: ნ. პოგოდინის „კრემლის კურანტები“ (1959), უ. შექსპირის „ოთელი“ (1941), გ. გულიას „შავი სტუმრები“ (1951), ვ. აგრბას „გამარჯვება“ და სხვ. დ. გულიას სახ. პრემიის ლაურეატი (1978).

მიღებული აქვს სახელმწ. ჯილდოები.

შ. ცუცქირიძე
